

Шарма гор

Кузь нэм да бур шуд!



гор

Эжва йывса войтырлөн газет

Петё 1929 восянь

Четверг, 2013 вося июль 4 лун 79 (10666)-өд №

Асланыс абу йöй, юрсö стөнö оз нöйт (коми шусьöг)

Эжва йывлөн слава

Людмила Ильинична Мамонтова



Чужис 1931 вося август 27 лунö Кулöмдинын. Дöзöбитис скöт да лысьтысис Кулöмдинса «Вильног» колхозын. Öкмысöд пятилеткаса да коммунистической уджывса ударник, социалистической ордийсьöмын вермысь.

Верöсыскöд чужтис да быдтис кöкъямыс челядьöс.

Уна вося бур уджысь сетисны «Уджывса ветеран» да юбилейной медальяс, почёт грамотаяс, уна челядьöс чужтöмысь медводдза да мöд тшупöда «Материнство» медаль, мöд да коймöд тшупöда «Материнская слава» орден. Олö Кулöмдинын.

Тöдöй, мый выльыс

СЁРНИТИСНЫ СТРОИТЧÖМ ЙЫЛЫСЬ

Июль 3 лунö районас администрацияын вöли районас юралысь бердын чукöртчылöм.

Районас администрацияөн веськöдлысьöс вежысь И.В.Попов юöртис, кызди районын строитчöны да сöстöммöдчöны керкаяс гöгöр. Сылөн висьталöм динö содтисны Ручса, Помöсдинса, Кужса юралысьяс А.И.Порошкин, А.Е.Уляшев, И.П.Липин да Кулöмдинса администрацияөн веськöдлысь С.В.Рубан. Пасйисны, мый районын керкаяс кыпöдöны уна, но, тырмытöмторьяс бырöдöмөн, позьö кыпöдны нöшта унджык. Мый колö вöчны та могысь, урчитисны примитöм кывкöртöдын.

ВАЯСНЫ ВЬЛЬ ТЕХНИКА

«Помöсдин» кооператив петис заптыны кöрым июль 1 лунö да кык лунöн вöчис 100 тонна веж масса.

Медым содтыны уджалан öд, тайö луньясö ваясны вьль техника: ытшкан, чукöртан да топöдан, гöрддзымö плёнкаон гартан агрегатьяс да телега. Тайö жö вежонын воласны да велöдасны вöдитчыны Кировса специалистьяс.

БОСЬТЧИС ЗАПТЫНЫ С.А.ТИМУШЕВ

Июль 2 лунö видлгмоз петкöдлис видз вьль пресс-подборщикö Доньсь крестьянин овмöс кутысь Сергей Алексеевич Тимушев.

Первойсö кöрталан кöвсö ёна оройöдлис, но лöсьöдышталöм бöрын вочасөн удж ладмис. Чайтö, мый скöтлы (талун кежлö ыджыд овмöс кутысьлөн 19 юр) турун төв кежлö заптас тырмымөн.

Куран эз на вермы нёбны да босьтлис сіджö крестьянин овмöс кутысь Э.И.Чалановалысь, кодi эштöдö вьль пресс-подборщик чукöртöм.

МЕД БУРА БЫДМИСНЫ ПОЖÖМЪЯС

Помöсдинса лесничество аслас вöр юкөнъясын кералö дзöля кызьяс да пипуяс.

Тайö вöчсö, мед бура быдмисны-сöвмисны пожöмъяс. Лесничестволысь вöр юкөнъяс кöртымалысь вит котыр 420 гектарысь весалис нин 150-сö, госконтракт серти юркаса котыр - 32 гектар.

КАДАМ БЫД ЛУН ЙÖЗА

Быд лун йöза Кадам.

Шойччыштны, сялькöдчыштны сöстөм ваын, кыйны вугырөн чери (вежон куим мысти позяс вотны и мырпом) волöны оз сöмын ас сиктысь, районысь да республикаысь, но и Россияысь да рубеж сайысь. Неважөн на волис вöр-ва сöстöммöдысь том йöзлөн 30 морта котыр. Öнi шойччöны Вьлыс Воч сиктсаяс.

Йöз вöсна тöждысö ас вьлö уджалысь Н.А.Гичев, кодi танi кыпöдис нин вит керка. Рытнас эм би, позьö видзöдны телевизор. Позьö и пывсыны, Иван лун бöрын - вьль корöсьөн.

КУСÖДИСНЫ НЁЛЬ ÖЗЙЫЛÖМ

Гөжöм пансьöмянь Помöсдинса лесничествонн öзйылис нельысь.

Медводдзасö казалисны Ягкöдж дорын Кос ю бокин. Мöд неыджыд öзйылöм петис ёг шыблаланисьянь. Кыкнансö кусöдисны ас кадö. Июнь 29 лунö казалисны лесничестволөн Помöсдинса юкөннын. Сотчис 12 гектар вöр, кодöс кöртымалис Ухтаса «Комиролес» котыр. 50 морт кусöдчис нель лун. Сотчис и Вольской юкөннысь 3,7 гектар. Бөръя кыкас öзйылöм артмис чардбисьянь.

Асланым да общ. корреспондентьяс, районлөн сайт вылысь.



Кулöмдинысь Константин Николаевич Расов олöмсö йитис техникакöд. Ичöтсаянысь матыстис батысь, велöдис дзöньтавны, видзны-мольöдны. Школа помалöм бöрын велöдчис да босьтис машинаөн ветлöм вьлö право. Босьтис и выльыс тшупöда тöдöмлуньяс - лоис велöдысьөн. Сыктываркаса университет помалöм

бöрын вит во уджалис сэтчöс автотшколаын инструкторөн, сы бöрын - автомобилистьяслөн Ставроссияса котырын. Öнi Константин Николаевичлөн аслас автошкола. Позьö велöдчыны быд кöсийсьылы.

Гижöд да снимок Алексей КОРЕЦКИЙЛÖН.

КОМИ РЕСПУБЛИКАЫН

МЕД ЭЗ ЛОНЫ ÖЗЙÖМЪЯС

Коми республикаса юралысь В.М.Гайзер корис республикаса олысьясöс овны вöрын сідзи, мед эз лоны öзйöмъяс. Сылөн видзöдлас вьлö, найö эськö эз вöвны, йöз кö асьнысö кутисны колана ногөн.

«Кор вöр сотчö мортлөн мыж вöсна - тайö дзик лэдзны позьтöмтор. Колö гöгөрвоны, мый кусöдчöм вьлö мунöны содтöд воштöмъяс. Ми кусöдам вöрса öзйöмъяс, кодьяс эськö эз вöвны, асьнысö кö бура ногөн кутисны пармаö ветлысьяс. Торйөн тöдчöда, мый быдöнлы колö кутны тöдвылас вöрын олöм вöсна аслас кывкутöм йылысь. Кора республикаса олысьясöс кучысьны вöр-ваын видзчысьöмөн, лоны ськöд ёртьясөн, пыдди пуктыны, пöртны олöмö вöрын бысь видзчысян урчитöмторьяс», - вайöдö В.М.Гайзерлысь кывьясö юралысьлөн да правительстволөн пресс-служба.

Сы вöсна мый öзйыны ыджыда вермас республикалөн войвывладорын да шöрын, сэтчö мөдöдсöны вöрса öзйöмъяслөн шöринысь

вынъяс: парашютөн чеччалысь сменаяс, химиялөн станцияяса уджалысьяс. Печораö лэбис гөжöмбыд кежлö Ан-2 самолёт. Öзйылöмъяс пансьöмянь вöр дорйысьяс бырöдисны нин 1300 гектар вылысь 141 öзйылöм.

Комионлайн.

КЫВЗÖЙ ИЮЛЬ 9 ЛУНÖ

«Парма» автоматической юöртанылысь уджсö видзöдлöм могысь июль 9 лунö 10-сянь 11 часöдз кутасны уджавны республика пасьята став электросиренаяс.

Бысь видзчысян да йöзс дорьян служба управления корö республикаса олысьясöс овны шöйвоштöг.

Казьтыштам, мый сиреналысь шы кылöм бöрын колö матыстчыны ывлавывса громкоговоритель дорö, а гортын кö, йитны телевизор, радио да кывзыны юöртöм, кор висьталасны, мый лоис да мый колö вöчны. Видзчысьтöм лөөмтор бырöдигчöж телевизор да радио мед уджалисны пыр. Коми республикаса олысьяслы видзчысьтöм лөөмтор йылысь юöртöны «Радио России» да «Россия-1» радиостанцияяс.

Коминформ.